

明清內閣大庫史料

第一輯

明代

上冊

東北圖書館印行

明清內閣大庫史料

第一輯

東北圖書館印行

明清內閣大庫史料第一輯

一九四九年十二月出版

出版者 東北圖書館

瀋陽大南門裏聚合胡同

印刷者 北京大學出版組

新學堂

弁言

本館所藏清室內閣大庫明清檔案，包括明代啓禎兩朝及有清二百餘年內外各官署之題稿奏本摺帖等，皆極有用史料。前經金毓黻先生甄擇彙錄，編次成書，爲明清內閣大庫史料第一輯，共選入明檔五百餘件，頗足補明史之闕，今由本館付梓，公諸海內。此書刊印時，復得華北大學研究部孫作雲先生協助校對，特誌數語爲謝。

明清內閣大庫史料第一輯

目錄

明代史料

卷一 題稿一

天啟三年至崇禎三年彙目號一至二十二號凡二十二件……………一

卷二 題稿二

崇禎四年至六年 彙目號二十三至五十五號凡三十三件……………五三

卷三 題稿三

崇禎七年至八年 彙目號五十六至七十九號凡二十四件……………一四一

卷四 題稿四

崇禎九年至十年六月 彙目號八十至百零五號凡二十六件……………二〇五

卷五 題稿五

崇禎十年七月至十一年 彙目號百零六至百三十號凡二十五件……………二七三

卷六 題稿六

崇禎十二年至十三年 彙目號百三十一至百四十九號凡十九件……………三四一

卷七 題稿七

崇禎十四年至十五年六月 彙目號百五十至百七十四號凡二十五件……………三八九

卷八 題稿八

崇禎十五年七月至十七年 彙目號百七十五至二百零二號凡二十八件……………四三九

卷九 兵部行稿一

天啟七年至崇禎六年 彙目號一至三十六號凡三十六件……………四九一

卷十 兵部行稿二

崇禎七年至九年 彙目號三十七至六十一號凡二十五件……………五四三

卷十一 兵部行稿三

崇禎十年至十一年 彙目號六十二至九十四號凡三十三件……………五八三

卷十二 兵部行稿四

崇禎十二年至十三年 彙目號九十五至百十四號凡二十件……………六三一

卷十三 兵部行稿五

崇禎十四年至十五年 彙目號百十五至百四十二號凡二十八件……………六六五

卷十四 兵部行稿六

崇禎十六年至十七年 彙目號一四三至一七三號凡三十一件……………七〇三

卷十五 兵科抄出題本一

天啟四年至崇禎六年 彙目號一至二十九號凡二十九件……………七四一

卷十六 兵科抄出題本二

崇禎七年至八年五月三日 彙目號三十至五十一號凡二十二件……………七九五

卷十七 兵科抄出題本三

崇禎八年五月四日至十一年 彙目號五十二至七十一號凡二十件……………八三七

卷十八 兵科抄出題本四

崇禎十二年至十三年 彙目號七十二至九十一號凡二十件……………八六九

卷十九 兵科抄出題本五

崇禎十四年至十六年 彙目號九十二至百十六號凡二十五件……………九一五

卷二十 兵科抄出奏本

崇禎元年至十五年 彙目號一至十五號凡十五件……………九五三

揭帖

崇禎十四年 彙目號第一號凡一件

塘報

崇禎十五年至十七年 彙目號二至五號凡四件……………九五四

咨文

崇禎七年至十五年 彙目號六至十一號凡六件……………九五八

手本

崇禎七年至十七年 彙目號十二至十五號凡四件……………九八八

呈文

崇禎十年至十六年 彙目號十六至十九號凡四件……………九九一
以上凡五百二十五件

明清內閣大庫史料第一輯 明代

卷一 題稿

兵部署部事李爲士兵久歸黔帥乏餉等事第一號
前後均殘

兵部署部事左侍郎臣李 等謹

題爲士兵久歸黔帥乏餉情形大更謹遵

明旨移解東餉以便開銷并報道將分兵入黔以圖策應事職方清吏司案呈奉本部送兵科抄出廣西巡撫何

題臣于天啓三年正月二十日遵奉

明旨將調發過狼兵漢兵俱移咨交送貴州總督節制已經具疏報

聞隨准貴州督臣楊述中咨稱爲欽奉

明旨事先據援黔總兵官麻鎮自願往調泗田等兵救黔今接貴院疏咨知已誅逆用順調發土官岑雲漢等二萬餘員名卽令麻鎮統領駕馭期前進等因又准總兵麻鎮手本稱奉貴州督院憲牌據本官乞給文加調土兵泗城二萬南丹一萬那地一萬東蘭一萬歸順二萬田州二萬安隆司一萬向武下雷各五千本部院並不遙制許本官就便調遣等因移報到臣隨該臣檄行監軍副使林夢琦葛中選各將原調兵數盡交總兵麻鎮節制並移會督臣譚遠委官運餉接濟續准督臣咨稱分發帑餉已解四萬赴貴州布政司候給泗田各兵惟是普安陷後黔中阻絕不聞百里之間不啻隔世今准前因備移黔省撫按委官先解餉銀二萬三千兩赴林葛二道分給督發等因續據道將塘報泗田出師日久糧食俱盡黔中並無一餉解到呼庚不應勢將渙散每

日紛遣把哨追截拿回斬首然軍法雖嚴終難加于枵腹之衆若不亟催黔餉隨地接濟脫巾反戈深爲可慮等情又移咨督臣催餉去後復准貴州按臣侯恂會稿內稱黔撫移稿到職以爲遠求異省之兵分發見在之餉遠者數千里近亦不下二千里何時能抵貴州請將新增餉銀二百萬盡歸督臣調度止令各省就其應解之銀酌募精兵選委道將速統前來乃安南稱泗兵退筍鳴球則何以慰黔人之翹竚等因該臣看得土司以讎殺爲性自川黔繼變狐兔生心其中情更爲叵測臣條有六難具在累疏即應調之後泗不肯假田以道田不能越泗以行聽道將去留分合臣亦已蚤言之泗城要挾無厭必欲照征播事例餉不足則兵不行臣又已蚤言之始終未嘗信其真可用也然臣明知冒險而欲用之者非獨以黔圍告急

明旨難違實因安會與泗田相通無日不以僞檄名馬招之爲助臣若不借調用之名設法以收之使彼疑我而從安不惟黔益危而粵且爲黔續故百計鼓舞第欲得其不爲安以爲粵患不助安以爲黔憂而固粵援黔庶幾一舉兩得此臣之初念也幸泗城出兵一萬二千于去冬即入黔境監軍林夢琦救安南安莊有報攻破軟口寨以解新城圍有報特黔省隔絕不相聞耳然貴州按臣疏內不有據安南塘報泗兵退筍鳴球之語乎黔省球離安南三日不進安南何以言退鳴球其退因無糧正與林夢琦之報同此足爲泗兵入黔之證也田州出兵六千亦于去冬即入滇境而滇之叛目李保聽安會嗾使拒阻田兵監軍葛中選因事關鄰封不敢縱田兵擅殺而入泗又阻于無路故改調安隆司兵見救安龍所而安龍則黔地也其剿狼羊斬獲多功亦有報黔雖隔絕不有貴州差官姚世鳳目擊乎此足爲田兵改調入黔之證也但臣自正月二十日奉

旨交兵交餉盡歸黔督迄今已五閱月矣黔中業題委總兵麻鎮專督泗田土兵近見兵部覆疏亦專責成麻鎮督泗城等兵恢復安順俱奉有

明旨臣隨檄行監軍林夢琦葛中選取有二土官交兵文結則粵之兵事前後交割甚明若餉則自撝括本省五萬給發漢兵外其後用土原奉 旨有湖廣四萬該省並無解粵又題

請有粵東五萬戶部不准開銷及會議粵西有二十一萬又令總解黔督則粵之餉事分毫無有亦甚明今臣即遵
照明旨督催道將實無一兵一餉可爲黔助不過一空文耳臣之空文一日一差何敢有停暑然能行于粵屬之道
將不能行于黔屬之麻帥也能行于有餉之道將不能行于枵腹之豺狼也

皇上試思從古以來有一餉不給而能用兵之人否有五月無餉而能有不退之兵否有兵在三千里外餉又在三
千里外兩不照應而能有居中督進之法否今督臣雖咨稱有四萬之解又有二萬三千之解至今尙在黔省
實未到軍前也泗田與黔省有盤江關嶺之隔必先救安南救安莊救新城救普安節鼓舞段掃清方能
前進今一餉不到軍前欲令其就食于黔省豈能越賊巢天險而飛渡即督臣咨稱普安陷後百里之間不啻
隔世其阻絕情形業已描寫如畫何俟臣言然未知粵之險阻更有甚于黔也夫自粵入田逾田入泗從泗入
黔相距數千里而遙無處非苗寨賊巢無處非危崖峻嶺攀援上下切殺時聞動需數月之程何止萬重之障
若鳴球原係黔界離泗城已二十餘日其進安南抵黔省總不過十日程耳泗兵退筍鳴球黔中既有安南塘
報乃相去十日之程猶不能遣一官持一餉前赴鳴球慰勞士兵趣之而進而粵在數千里外獨能有神輸鬼
運之術果饑者之腹縛潰者之足乎故不知粵之無餉而責臣爲無米之炊臣不能也不知粵之隔遠而望臣
爲長鞭之及臣亦不能也臣之調土原云督發出境其中途之駕馭隨地之接濟責各有司在臣之前疏甚
明卽樞臣因地責成之覆疏亦甚明也況泗城業以解圍爲告竣之期麻帥又以多調爲更始之局道將備歷
艱危既驚心于風雨之不測士兵從來犷悍益解體于膠續之無時則臣之操縱其法已窮止有遵照

明旨移催總兵紀元憲協同麻鎮爲之督進但師行糧從無餉必不能用土據貴州按臣會藁既云異省之兵不
分發見在之餉則粵之二十一萬見在黔中者恐終不能及粵之士兵而黔省督臣又屢次差人索粵之遼餉
索粵之抽扣等銀不知粵西遼餉六萬有奇地瘠民貧從來徵不及半其在二年者已經奉 旨准留本省
增兵其在三年者例應冬初起徵此時青黃不接分毫未有則安得有遼餉可以解黔至于監軍林夢琦葛中

選與遊擊陳照守備陳壯猷身膺閫外不能駕馭土司以致倏進倏退責之紀律均屬有違但豺狼最稱叵測原非漢法所能拘而庚癸轉覺生端總因黔餉之不至麻帥業奉特旨則進止遲速監軍未便獨操安籠已報多功則分合去留兵事豈容遙制似應假以便宜責其後效而泗兵黔餉仍令麻帥速領前進與二監軍犄角可也惟是援黔之役原令調土一萬及臣有漢土兼用之疏隨奉有酌量調發之

旨今查林葛二監軍隨部漢土合以前發漢兵即含泗田已逾一萬之外而臣猶急黔忘粵日日爲黔催兵爲黔解餉致令道將俱空南太之間夷寇窺乘幾至失陷從井之愚從來未有今悼會又犯黎龍犯江州犯牂營一日而三報矣彼已黔捷屢聞而我方粵寇踵至孰緩孰急臣不得不明言以告

皇上均是封疆各有責任援黔之義至解圍而止粵西之責至交兵而止業已奉旨交兵猶不使粵爲固圍之計則交夷之禍誰爲臣任而川黔之變且恐在目前臣方觸瘴瀕危惟有席藁待擯而已伏乞

聖明俯垂省覽 勅下該部備查粵西前後奉

旨土兵餉銀湖廣四萬廣東五萬部議二十一萬曾否有分毫解粵既無解粵則粵更有何餉可給土兵再查粵西遼餉天啓二年分會否奉旨留給本省增兵三年分見今會否起徵既未起徵則粵更有何餉可解黔省又查粵西自正月奉旨交兵至今已五月有餘黔中曾否有餉給泗兵若干給田兵若干既未有給則道將何以督土兵土兵安能入黔省東而餉十萬應否遵

旨移解聽其一處支銷免于重冒並查林夢琦葛中選等前後入黔會否解新城勦狼羊應否假便宜容策勵統候該部酌議覆請伏乞嚴諭麻鎮專督泗城等兵寧少毋多剋期前進勿再修言十萬重激土司以爲粵患而粵方夷氛四起自救不皇從此兵交餉解更不能再爲黔計容臣一意自保危疆毋使粵爲黔續此尤臣自揣庸忠於

皇上之職分也謹會同兩廣總督胡廣西巡按賈毓祥合疏上

請等因天啓三年八月二十六日奉

聖旨何士晉調發援黔又防禦交夷具見苦心這所奏着該部作速看議來說欽此欽遵本月二十九日抄出到部送司案呈到部看得黔難方興望救真同援溺粵師出境待哺寧減啼饑惟是西粵以泗城之圍解爲告竣之期而黔中以鳴球之退札爲逗遛之故粵撫方深慮一萬餘兵尙苦鞭長之不及腹而麻帥乃欲調取十萬餘衆漫言善將之能用多況師行糧從未有裹餉于千里之外克敵在算何必駭聽於十萬之侈且黔檄不欲遠求異省之兵分發見在之餉此粵撫所以有移東餉以便開銷報入黔以圖策應之疏也今據撫臣以粵兵救安南安莊有報破軟口寨解新城圍有報此足爲泗兵入黔之證矣救安籠所爲黔地剿狼羊斬獲爲黔屬此足爲田兵改調入黔之證矣若然則粵兵之歸黔也確矣粵兵從萬山中走數千里以救黔自應移餉以就兵勢難驅兵以就餉但在黔則以粵有應解之銀可以飽征戍之腹在粵則以黔有應給之餉當以備宿飽之儲卒之餉與兵兩不相照而鳴球之退札遂藉口于饑乏之難俟臣等就事而論粵兵入黔則去粵遠而去黔近給餉以就近爲便粵兵援黔則黔爲主而粵爲客餉客以就主爲宜故臣部前疏有因地責成隨地接濟之說蓋已逆觀于此矣除東餉移解黔中聽戶部查明酌行外其泗田兵只以已調已發之數爲額總兵麻鎮近經題覆革任提問難以任用應聽黔中督撫選將統領訓練調度但使士飽馬騰有投石超距之槩卽此萬衆自可驅之無前斷不宜侈言十餘萬徒駭荒服之人心無益危軀之實用也監軍林夢琦葛中選督兵入黔既有薄功可免厚責應假便宜以策後效統俟事平定奪至于南太之間夷寇乘隙漸有蠢動該撫雄才大略當自不難撲滅也既經具題前來相應覆

請合候

命下遵奉施行

緣係土兵久歸黔帥乏餉情形大更謹遵

明旨移解東餉以便開銷並報道將分兵入黔以圖策應及奉

欽依何士晉調發援黔又防禦交夷具見苦心這所奏着該部作速看議來說事理未敢擅便謹題請

天啓三年九月二十五日郎中王繼謨

廖起獻

兵部爲土兵久歸黔帥乏餉情形大更等事該本部題云云等因天啓三年九月二十八日本部署部事左侍郎李 等具題十月初一日奉

聖旨是欽此欽遵擬合就行爲此

一咨兩廣總督

貴州總督

廣西巡撫

貴州巡撫

合咨前去煩照本部題奉

欽依內事理一體欽遵施行

一咨都察院

合咨

貴院煩爲轉行廣西貴州各巡按御史照依本部題奉

欽依內事理欽遵施行

兵部尙書馮爲選用武舉事 第二號

兵部尙書臣馮 等謹

題爲選用武舉事職方清吏司案呈照得湖廣大國山把□王三聘近該湖廣巡按陸猷明題參不職本部覆□

欽依革任回衛所有員缺合當推補案呈到部臣等查□近該本部題議選用武舉事例自第一名至二十名挨次選用□舉第十二名南京水軍左衛署指揮使正龔六謙堪以選用合候命下將龔六謙照例以都指揮體統行事充把總圖項地方本部備查原擬責任筭令欽遵任事緣係選用武舉□理未敢擅便謹題請

旨

龔六謙

天啓六年八月初三日郎中吳淳夫

兵部爲選用武舉事該本部題云云等因天□六年八月初日本部尙書馮等具題初日奉聖旨是欽此欽遵抄捧送司案呈到部擬合就行爲此除筭仰龔六謙定限本年□□月十九日到任外

一咨湖廣巡撫 合咨前去煩爲查照本部題奉

欽依事理行令本官依限到任不許延遲仍將到任日期同原奉本部筭付並履歷緣繇呈報巡撫衙門□部查考如或過違照例參究施行

一咨都察院 合咨

貴院煩爲轉行湖廣巡按御史照依本部題奉

欽依事理行令本官依限到任不許延遲如或過國照例參究施行

一筭付龔六謙係南京水軍左衛署指揮使今陞照例以都指揮體統行事把總前項地方

天啓六年八月初八日郎

中吳淳夫

署協司事員外郎田吉

兵部尚書崔爲倭警屢聞隄備宜預等事 第三號

少傳兼太子太傅兵部尚書仍兼都察院左都御史臣崔 等謹

題爲倭警屢聞隄備宜預申飭防禦事宜以裕安攘事職方清司吏案呈奉本部送兵科抄出福建撫朱 題
前事除薦舉及已經參革各官俱不議外內稱語銅遊把總方獻可遇風欲僵愛錢有癖視干陬之任爲苞苴
囊橐之困從鋒鏑之場索頭會箕歛之利一本官到任之初一切兵事不問惟令家人紛出接拜見禮儀馳騫
若狂衆皆嘲笑一本官到任已在冬節後差積書陳勳通遊密諭令補送節儀致兵喧闐不從一本官駁兵無
體專以送禮厚薄爲貌哨捕頭目少有餽遺卽加僇倭上下體統蕩然一本官不習波濤登舟卽時吐浪是以
一切船務不能管理器藥等項悉憑捕盜等任意出入惻然莫知一本官藉口修理衙門科派演武場邊各開
舖人戶輸納歲銀縱容跟役勒索一方嗟怨一本官柔懦但聞警報一味畏縮安坐衙內止令哨官率衆支吾
以致軍聲不揚人無鬪志一本官涇渭不分捕目兵等動情全然糊塗惟聽書識陳勳撥置俱不中罪衆心不
服此一官者冠履之分已弛谿壑之欲難厭魂於舟子之招敢望昆明池水膽落於鼓聲之起何異天雄閉門
以上一員所當革任回衛者也再照臣當七年之時而課六年之事其前此之殿最業有定案而見在之功罪
亦宜參觀故去歲無失事而今歲有縱賊者不敢薦也恐其以得薦而謂儉安爲無傷也去歲無顯績而今歲
有新警者不敢不薦也恐其以不得薦而謂奮勇爲無益也其有到任在汛後而近日有失事者不敢不劾也
恐延至七年之課而悞此一年之事也要以酌量於輕重之權衡而參伍於昨今之分數期爲地方得人之用
而不使地方受人之害而已再照闕將向以養癰爲痼疾耳不聞剿賊二字水兵穩泊內澳不敢窺外洋一步

而陸兵遇賊只以吶喊放銃了事從來未拿一賊臣稔知此弊痛以三尺繩之官兵乃始知賊之當勦而賊亦知我之必勦日來泉漳登岸之賊爲官兵及鄉兵斬獲者甚多福屬屬賊船爲我舟師及漁民犁沉溺死及擒拿累繫數十人全轡遁出境外於是人心競奮而滅賊有機矣所望

廟堂之上於臣所舉各官或令之久任於閩或計俸應陞亦就閩地陞轉在各官既收輕熟之效而地方亦得緩急之用至便計也緣閩年來諸將甫當受事旋報左遷席未暇煖代已有人以致人無固志事難責成此輩既有前愆何惜唾核第不知向來凡應添註之官何以盡傳舍於閩使送舊迎新之苦行伍不勝其騷騷而候代接管之間兜鑿各藉以推諉今用兵鋒鏑之際未可着投閑蓬廬之人統在樞部慎擇於先庶免數易於後臣濫叨封疆之任仰體鼓鼙之思祇求得材以固圉非敢越俎以鑣舌也伏乞

勅下兵部再加查覈如果臣言不謬將所薦各官循資擢用王夢熊等分別議處將領有所勸懲益加奮勵而武備漸飭海氛漸消矣等因天啓七年八月十二日奉

聖旨該部知道欽此欽遵本月十四日抄出到部送司案呈到部爲照活銅遊把總方獻可膽智全無脂膏獨潤登舟卽吐殊慙擊楫之風見利必營不顧竭澤之戒相應褫斥以儆官邪者也既經具題前來相應覆

請合候

命下將方獻可革任回衛遣下員缺已經推補

天啓七年八月三十日太僕寺卿管司事王登三

協理清冊郎中劉嘉遇

兵部爲倭警屢聞隄備宜預等事該本部題云云等因天啓七年九月初八日少傳兼太子太傅本部尙書仍兼都察院左都御史崔等具題十一日奉